



Broj: 05-04-20-3106-7/25  
Maglaj, 18.08.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3106-5/25 od 18.08.2025. godine, u postupku javne nabavke „Izgradnja javne rasvjete na području općine Maglaj“, Općinski načelnik donosi

## O D L U K U

o izboru najpovoljnijeg ponuđača

### I

Prihvata se preporuka Komisije za javne nabavke i ugovor o nabavi radova na izgradnji javne rasvjete na području općine Maglaj, dodjeljuje se ponuđaču „KOP I KO“ d.o.o. Živinice, u skladu sa ponudom broj KPK-51/25 od 29.07.2025. godine, po ukupnoj cijeni od 47.750,00 KM bez PDV-a, odnosno 55.867,50KM sa uračunatim PDV-om.

### II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-3106/25 od 23.07.2025. godine, pokrenut je postupak javne nabavke „Izgradnja javne rasvjete na području općine Maglaj“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-3-96-3-88/25 od 23.07.2025. godine. Sažetak obavještenja o nabavci objavljen je u „Službenom glasniku BiH“, broj 44/25.

Procijenjena vrijednost nabavke je 48.400,00 KM bez PDV-a, odnosno 56.628,00 KM sa PDV-om, a kriterij za dodjelu ugovora je najniža cijena.

Postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o

čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

| r/<br>b | Naziv ponuđača              | Sjedište ponuđača            | Datum i vrijeme<br>zaprimanja | Broj<br>protokola |
|---------|-----------------------------|------------------------------|-------------------------------|-------------------|
| 1.      | “Kop i Ko” d.o.o. Živinice  | Križaljka br. 1, Živinice    | 31.07.2025. 10,30h            | 6886              |
| 2.      | “Rimenerg” d.o.o. Banovići  | Zanatska 15, Banovići        | 04.08.2025. 08,23h            | 6961              |
| 3.      | “Spotlight” d.o.o. Sarajevo | Ul. Brčanska br.15, Sarajevo | 04.08.2025. 08,43h            | 6966              |

Zaprimljena je i jedna neblagovremena ponuda, dostavljena nakon isteka roka za dostavljanje ponuda (04.08.2025. godine u 09,00h), i to ponuda ponuđača “Teslaluks” d.o.o. Sarajevo, zaprimljena 04.08.2025. godine u 10,40h, zavedena u ugovornom organu pod brojem protokola 6984. Predmetna ponuda je vraćena ponuđaču neotvorena, u skladu sa članom 63. stav (1) Zakona o javnim nabavkama.

Sve blagovremeno zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, započela pregled i ocjenu ponuda, prilikom čega je utvrdila da su ponude ponuđača „Kop i Ko“ d.o.o. Živinice i „Rimenerg“ d.o.o. Banovići u potpunosti u skladu sa svim zahtjevima iz tenderske dokumentacije, te da su prihvatljive, a da se iz ponude ponuđača „Spotlight“ d.o.o. Sarajevo ne može utvrditi da li ponuđač posjeduje iskustvo u izvođenju radova srodnih radovima koji su predmet ove nabavke. Naime, u izjavi o uredno izvršenom ugovoru, dostavljenoj uz ponudu, navedeno je da je predmet ugovora “javna nabavka radova zamjene rasvjete”, iz čega Komisija nije mogla definitivno utvrditi da li se radi o srodnim radovima, te je od ponuđača zatraženo pojašnjenje referenci. Ponuđač je blagovremeno dostavio traženo pojašnjenje, odnosno predmetni ugovor, iz čega je Komisija utvrdila da se izvedeni radovi odnose na izgradnju javne rasvjete, te da su prihvatljivi u ovom postupku, pa je shodno tome i ova ponuda ocijenjena prihvatljivom.

E-aukcija je zakazana za dan 18.08.2025. godine s početkom u 09,00 sati.

Nakon održane e-aukcije, konačna rang lista u predmetnom postupku je sljedeća:

| r/<br>b | Naziv ponuđača              | Cijena / KM<br>bez PDV-a | Cijena / KM<br>sa PDV-om |
|---------|-----------------------------|--------------------------|--------------------------|
| 1.      | “KOP I KO” D.O.O. ŽIVINICE  | 47.750,00                | 55.867,50                |
| 2.      | “SPOTLIGHT” D.O.O. SARAJEVO | 47.767,00                | 55.887,39                |
| 3.      | “RIMENERG” D.O.O. BANOVICI  | 47.770,00                | 55.890,90                |

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na izgradnji javne rasvjete na području općine Maglaj dodijeli ponuđaču „Kop i Ko“ d.o.o. Živinice. Preporuka je, zajedno sa izvještajem o radu Komisije, dostavljena rukovodiocu ugovornog organa 18.08.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



